



CYNGOR SIR BENFRO

IS-ADRAN DIOGELU'R CYHOEDD

AMODAU TRWYDDED A CHANLLAWIAU AR GYFER LLETYA CŴN YN Y CARTREF

Cynnwys

1. AMODAU CYFFREDINOL

- 1.1 Arddangos Trwydded
- 1.2 Cymeradwyaeth yr Awdurdod

2. LLETY A'R AMGYLCHEDD

- 2.1 Amgylchedd y Cartref
- 2.2 Maint y Llety
- 2.3 Deunydd Gorwedd
- 2.4 Tymheredd a Gwresogi
- 2.5 Golau
- 2.6 Awyru
- 2.7 Glendid
- 2.8 Difa Plâu
- 2.9 Gwaredu Gwastraff

3. DEIET A MAETH

- 3.1 Bwyd a Diod
- 3.2 Cyfleusterau Storio a Pharatoi Bwyd

4. YMDDYGIAD ARFEROL

- 4.1 Cyfleusterau Ymarfer
- 4.2 Goruchwyllo
- 4.3 Y Nifer Fwyaf o Gŵn y Gellir eu Lletya a Gofynion

5. IECHYD A LLES

- 5.1 Cofrestru â Milfeddyg
- 5.2 Rheoli Clefydau a Brechu
- 5.3 Cyfleusterau Gwahanu
- 5.4. Gofynion Amrywiol

- 5.5 Cludo Cŵn
- 5.6 Diogelwch rhag Tân
- 5.7 Diogelwch Cyfarpar Trydanol

6. CADW COFNODION

- 6.1 Cofrestr

7. DEDDF LLES ANIFEILIAID 2006

- 7.1 Meddyginiaeth Reolaidd
- 7.2 Cymdeithasoli
- 7.3 Adnabod Cŵn

ARGYMHELLIAD

Polisi Yswiriant

MATERION ERAILL SY'N YMWNEUD Â GWEITHREDU LLETY TRWYDDEDIG

- A – Gweithdrefn Apelio
- B – Canllawiau Rhagofalon Tân
- C – Iechyd a Diogelwch

1. AMODAU CYFFREDINOL

Amod Trwydded	Canllawiau
<p>1.1 Arddangos Trwydded</p> <p>a. Rhaid arddangos copi o'r drwydded a'i hamodau cysylltiedig mewn ffordd addas i'r cyhoedd mewn man amlwg ar y safle neu ddarparu un i bob lletywr.</p>	
<p>1.2 Cymeradwyaeth yr Awdurdod</p> <p>a. Oni nodir fel arall, bydd yr amodau hyn yn gymwys i bob adeilad ac ardal y mae'r cŵn yn cael mynediad iddynt a/neu a ddefnyddir mewn cysylltiad â lletya cŵn.</p> <p>b. Rhaid i'r trwyddedai asesu'r risgiau sy'n gysylltiedig â lletya yn y cartref er mwyn cynnwys y risg i blant sy'n debygol o fod yn yr eiddo neu'r risg a achosir ganddynt.</p> <p>c. Ni chaiff cartref lle mae plant o dan 5 oed ei drwyddedu.</p> <p>d. Ni chaniateir derbyn unrhyw gi sydd wedi'i gofrestru o dan Ddeddf Cŵn Peryglus 1991 i'w letya yn y cartref.</p> <p>e. Ni chaniateir lletya cŵn bach o dan 6 mis oed ag unrhyw gŵn eraill oni bai eu bod yn dod o'r un cartref.</p>	

2. Llety a'r Amgylchedd

Rhaid i gŵn gael eu cadw mewn llety sy'n briodol o ran gwneuthuriad, maint, man gorwedd, cyfleusterau ymarfer, tymheredd a gwresogi, goleuo, awyru, glendid, a gwaredu gwastraff.

Amod Trwydded	Canllawiau
<p>2.1 Amgylchedd y Cartref</p> <ul style="list-style-type: none">a. Rhaid i'r cŵn fyw yn y cartref fel anifeiliaid anwes. Rhaid nad oes unrhyw adeiladau, cewyll na rhedfeydd allanol.b. Bydd gan y safle ei fynedfa ei hun ac ni fydd yn rhannu mynediad e.e. grisiau a rennir ag eraill.c. I'r graddau y mae'n ymarferol resymol, ni fydd unrhyw ardal/ystafell yn y cartref y mae cŵn sy'n cael eu lletya yn cael mynediad iddi yn cynnwys peryglon ffisegol na chemegol a all achosi anaf i'r cŵn.d. Rhaid bod mynediad uniongyrchol i ardal allanol addas. Rhaid bod yr ardal / gardd at ddefnydd perchennog y cartref yn unig (heb ei rhannu â phreswylwyr eraill).	<p>Cynghorir trwyddedeion i holi'r adran gynllunio am unrhyw ganiatadau cynllunio sydd eu hangen o bosibl.</p>
<p>2.2 Maint y Llety</p> <ul style="list-style-type: none">a. Rhaid bod digon o le ar gael i allu cadw'r cŵn ar wahân os oes angen.b. Dylai cynllun y cartref ei gwneud yn bosibl i bob ci ddewis p'un a yw am weld ci arall ai peidio.	<p>Dylai fod digon o ystafelloedd ar gael ar gyfer y cŵn sy'n cael eu lletya er mwyn iddynt fod ar wahân os oes angen. Gall hyn fod yn fuddiol yn ystod y nos. Neu mae rhai cŵn yn dewis cael amser ar eu pennau eu hunain.</p>

<p>2.3 Deunydd Gorwedd</p> <ul style="list-style-type: none"> a. Rhaid annog cleientiaid i ddarparu ei ddeunydd gorwedd ei hun ar gyfer pob ci. b. Rhaid i bob man gorwedd fod yn lân ac yn sych. 	<p>Gall hyn helpu i gi ymgartrefu mewn amgylchedd newydd – moethau'r cartref.</p> <p>Fodd bynnag, dylai'r trwyddedai fod mewn sefyllfa i ddarparu deunydd gorwedd ychwanegol.</p>
<p>2.4 Tymheredd a Gwresogi</p> <ul style="list-style-type: none"> a. Rhaid i gyfleusterau gwresogi ac oeri fod ar gael yn amgylchedd y cartref a rhaid iddynt gael eu defnyddio yn unol â gofynion y ci unigol. b. Rhaid bod rhyw ran o'r ardal gysgu lle y gall y ci fwynhau tymheredd o rhwng 10°C ar y lleiaf a 26°C ar y mwyaf. c. Yn yr ardal wahanu rhaid bod modd cynnal y tymheredd ar lefel addas ar gyfer cyflwr y ci, ac yn unol â chyngor milfeddygol. Fodd bynnag, ni ddylid caniatáu i'r tymheredd yn yr uned wahanu fynd yn uwch na 26°C nac yn is na 13°C d. Rhaid i drwyddedeion sicrhau bod yr holl ffynonellau o wres yn ddiogel ac yn cydymffurfio â'r holl ofynion rheoleiddio ar gyfer yr anifeiliaid a'r bobl sy'n gweithio yno 	<p>Er mwyn cynnal tymhereddau ar y lefel ofynnol, efallai y bydd defnyddio ffynonellau unigol o wres ar gyfer cŵn yn ddigonol. O dan rai amgylchiadau, bydd angen gwresogi cefndir ychwanegol hefyd.</p> <p>Dylai dyfeisiau a ddefnyddir ar gyfer gwresogi ac oeri fod yn ddiogel ac yn rhydd rhag y risg o losgi neu drydanu. Dylid rhoi gard addas o amgylch tanau agored.</p>
<p>2.5 Golau</p> <ul style="list-style-type: none"> a. Rhaid darparu golau yn y mannau ymarfer er mwyn sicrhau bod pob rhan yn hollol weladwy. Lle y bo'n ymarferol, dylid defnyddio golau naturiol. b. Mae angen diffodd goleuadau yn ystod y nos er mwyn caniatáu patrymau cysgu priodol. 	<p>Dylid rhoi ystyriaeth yn amgylchedd y cartref i leoliad unrhyw oleuadau sy'n sefyll ar eu pennau eu hunain, y gallai cŵn eu bwrw drosodd fel arall.</p>
<p>2.6 Awyru</p>	

<p>a. Rhaid darparu system awyru ym mhob ardal fewnol heb greu gormod o ddrafftiau yn y man cysgu. Rhaid bod modd rheoli newidiadau yn y tymheredd hefyd.</p>	<p>Gellir cael digon o awyru yn amgylchedd y cartref drwy, yn syml, agor ffenestr, ond dylid rhoi ystyriaeth lawn a chymryd camau i atal y risg y bydd y cŵn yn dianc neu'r risg o beryglu eu diogelwch.</p>
<p>2.7 Glendid</p> <p>a. Rhaid cadw pob ardal y mae'r cŵn yn cael mynediad iddi, gan gynnwys y gegin ac ati, yn lân ac ni ddylid caniatáu i faw na llwch ymgasglu a rhaid cynnal pob ardal yn y fath fodd ag sy'n addas o ran gweithgarwch rheoli heintiau a chysur y cŵn.</p> <p>b. Rhaid cael gwared ar yr holl ysgarthion a deunydd budr ym mhob ardal a ddefnyddir gan y cŵn unwaith y dydd ac yn amlach os oes angen.</p>	<p>Ceir rhestr o ddiheintyddion yn:</p> <p>http://disinfectants.defra.gov.uk/</p>
<p>2.8 Difa Plâu</p> <p>a. Rhaid cymryd camau i leihau'r risgiau a achosir gan gnofilod, trychfilod a phlâu eraill yn y cartref. Rhaid ymdrin â phlâu o'r fath drwy ddefnyddio cynnyrch milfeddygol addas yn ddi-oed er mwyn cael gwared arnynt.</p>	<p>Dylid dilyn canllawiau'r gwneuthurwr wrth ddefnyddio cynhyrchion rheoli er mwyn lleihau'r risg i gŵn.</p>
<p>2.9 Gwaredu Gwastraff</p> <p>a. Rhaid darparu cyfleusterau ar gyfer derbyn, storio a gwaredu pob math o wastraff yn briodol.</p> <p>b. Rhaid cymryd gofal arbennig i wahanu gwastraff clinigol sy'n dod o drin cŵn sydd â chlefydau heintus neu eu trafod.</p>	<p>Dylai'r trwyddedai holi Asiantaeth yr Amgylchedd am y canllawiau cyfredol ar ddulliau gwaredu priodol.</p>

- | | |
|--|--|
| <p>c. Rhaid cytuno ar gyfleusterau gwaredu gwastraff anifeiliaid â'r Awdurdod Trwyddedu.</p> | |
|--|--|

3. Deiet a Maeth

Rhaid darparu digon o fwyd addas i bob ci sy'n cael ei letya. Rhaid i ddŵr dihalog fod ar gael drwy'r amser a rhaid iddo gael ei newid bob dydd. Rhaid bod cyfleusterau paratoi bwyd digonol ar gael.

Amod Trwydded	Canllawiau
<p>3.1 Bwyd a Diod</p> <ul style="list-style-type: none"> a. Rhaid darparu digon o fwyd addas i bob ci yn unol â chyfarwyddiadau'r cleient. b. Rhaid i ddŵr dihalog fod ar gael drwy'r amser a rhaid i'r llestr yfed gael ei lanhau bob dydd. Rhaid i'r dŵr gael ei newid o leiaf unwaith y dydd. c. Rhaid darparu ei bowlen ei hun ar gyfer pob ci. d. Rhaid bod modd glanhau llestri bwyta ac yfed yn hawdd a'u diheintio er mwyn atal croeshalogi. . e. Rhaid glanhau bowlenni bwydo ar ôl pob pryd o fwyd. 	<p>Dylai bwyd gael ei ddarparu gan berchennog y ci er mwyn osgoi newid sydyn yn neiet y ci a all achosi problemau treulio.</p> <p>Dylai cŵn gael mynediad at eu powlenni bwydo eu hunain, a dylid monitro unrhyw gŵn sy'n swil yn bwyta.</p> <p>Dylai pob ci gael deiet sy'n bodloni eu gofynion maethol ac sy'n addas o ran oedran, brîd, statws cenhedlu, sgôr cyflwr y corff a lefel eu gweithgarwch.</p> <p>Cyfeiriwch at Godau Ymarfer Llywodraeth Cymru</p>
<p>3.2 Cyfleusterau Storio a Pharatoi Bwyd</p> <ul style="list-style-type: none"> a. Rhaid darparu cynwysyddion aerglos i storio bwydydd sych. b. Rhaid i fwyd heb ei goginio a bwyd sy'n weddill mewn tuniau sydd wedi'u hagor gael eu storio mewn 	<p>Dylid paratoi bwyd i'r cŵn yn hollol ar wahân i'r ardaloedd a ddefnyddir i baratoi bwyd i bobl, a hynny am resymau hylendid.</p>

- cynwysyddion anfetel nad ydynt yn gollwng yn yr oergell.
- c. Rhaid cadw pob swmp-gyflenwad o fwyd mewn cynwysyddion sy'n atal fermin.

4. Ymddygiad Arferol

Rhaid bod cŵn yn gallu arddangos patrymau ymddygiad arferol bob amser. Rhaid iddynt gael cyfle i symud o gwmpas a chael eu goruchwyllo'n ddigonol.

Amod Trwydded	Canllawiau
<p>4.1 Cyfleusterau Ymarfer</p> <ul style="list-style-type: none"> a. Rhaid rhoi amser ymarfer i gŵn yn unol â dymuniadau eu perchennog. b. Os eir â chŵn oddi ar y safle, rhaid eu cadw ar dennyn oni bai bod caniatâd penodol y perchennog yn caniatáu iddynt gael cyfleoedd ymarfer heb dennyn. c. Rhaid i ardal ymarfer/gardd y safle ac unrhyw ardal arall, y gall y cŵn sy'n cael eu lletya gael mynediad iddi, fod yn hollol ddiogel. d. Rhaid i ffensys fod yn ddigonol i atal cŵn rhag dianc a bod yn ddiogel, heb wrthrychau na bargodiadau miniog. e. Rhaid bod modd cau gatiau fod yn sownd. 	<p>Dylid rhoi ystyriaeth i oedran, ffitrwydd, anian a diogelwch y cŵn ac i'r mater addas o ymarfer, er enghraifft gall yr amgylchiadau olygu na fydd yn briodol caniatáu i gi gael ymarfer heb fod ar dennyn.</p>
<p>4.2 Goruchwyllo</p> <ul style="list-style-type: none"> a. Rhaid i unigolion priodol sydd â phrofiad perthnasol fod ar 	<p>Mae angen i unrhyw un sy'n goruchwyllo'r cŵn feddu ar</p>

<p>gael bob amser i oruchwylio cyfleoedd ymarfer ac ymdrin ag argyfyngau pryd bynnag y caiff cŵn eu lletya ar y safle.</p> <p>b. Rhaid ymweld â'r cŵn yn rheolaidd, fel y bo'n angenrheidiol o ran eu hiechyd, eu diogelwch a'u lles.</p> <p>c. Dim ond pobl dros 16 oed sy'n cael caniatâd i fynd â chŵn am dro mewn mannau cyhoeddus heb oruchwyliaeth.</p>	<p>wybodaeth a phrofiad digonol i allu ymdrin â'r cŵn yn gywir ac yn ddiogel. Mae'n rhaid iddynt allu adnabod hefyd p'un a yw ymddygiad ci yn awgrymu bod problem a chymryd camau priodol.</p> <p>Dylai pob trwyddedai/aelod o staff goruchwylio gael cyfle i ddarllen y Cod Ymarfer ar gyfer Lles Cŵn ac ymglyfarwyddo ag ef, ynghyd â'r holl ddeddfwriaeth berthnasol arall.</p>
<p>4.3 Y Nifer Fwyaf o Gŵn y Gellir eu Lletya</p> <p>a. Nodir y nifer fwyaf o gŵn y gellir eu cadw ar unrhyw adeg benodol ar y drwydded ac ni chaniateir cadw mwy na hynny, ac o dan unrhyw amgylchiadau ni chaniateir cadw mwy na chwe chi.</p> <p>b. Pennir y nifer fwyaf hon o gŵn yn ôl cyfleusterau'r safle.</p> <p>c. Caiff nifer y cŵn ei lleihau os bydd methiant i gydymffurfio â gofynion eraill y drwydded.</p> <p>d. Gellir lletya cŵn o wahanol gartrefi gyda'i gilydd ar yr un pryd ar yr amod y caiff eu haniau, eu cymdeithasgarwch a'u hanes lletya eu hasesu ymlaen llaw er mwyn sicrhau bod y trefniant yn addas a bod eu gwahanol berchenogion wedi rhoi caniatâd.</p> <p>e. Ni chaniateir lletya cŵn ag unrhyw gath, oni bai eu bod yn byw gyda'i gilydd fel arfer yn yr un cartref.</p> <p>f. Os oes ci neu gath breswyl yn y cartref, rhaid cael caniatâd ysgrifenedig perchenogion y ci sy'n cael ei letya ar ôl rhoi prawf ar sesiwn ymglyfarwyddo.</p>	<p>Bydd yr awdurdod trwyddedu yn ystyried y lletya yn ei gyfarwydd; gan gynnwys y lletya sydd ar gael, cyfleusterau ymarfer, bodloni gofynion iechyd a lles a lefel y gydymffurfiaeth o hyd â'r drwydded wrth bennu'r nifer fwyaf o gŵn y gellid eu cadw ar y safle trwyddedig.</p> <p>Pan na fydd yr awdurdod trwyddedu yn fodlon ar allu darpar ddeiliad trwydded, neu ddeiliad trwydded presennol i gydymffurfio ag amodau'r drwydded, gallant leihau nifer y cŵn y gall y cartref eu lletya.</p> <p>Gall tystiolaeth gynnwys methiant i gydymffurfio ag amodau'r drwydded e.e. methiant i roi cyfleoedd ymarfer i gŵn a diffyg hylendid.</p>

5. Iechyd a Lles

Rhaid cymryd rhagofalon rhesymol i atal a rheoli lledaeniad clefydau heintus. Rhaid i unrhyw anifail sâl neu anafedig gael gofal a thriniaeth briodol yn ddi-oed. Bydd angen cyfleusterau gwahanu, cyfarpar cymorth cyntaf a mesurau diogelwch tân.

Amod Trwydded	Canllawiau
<p>5.1 Cofrestru â Milfeddyg</p> <ul style="list-style-type: none"> a. Rhaid i bob sefydliad lletya gofrestru â milfeddygfa a sicrhau bod y manylion llawn ar gael i'r Awdurdod Trwyddedu. b. Rhaid i filfeddygfa'r cleient ei hun fod yn hysbys a rhaid ymgynghori â hi os oes angen. c. Rhaid ceisio cyngor gan filfeddyg os bydd arwyddion o glefyd, anaf neu salwch. Pan fydd unrhyw gi yn sâl neu'n anafedig, rhaid i unrhyw gyfarwyddiadau a roddwyd gan filfeddyg i'w drin gael eu dilyn yn gaeth d. Rhaid hysbysu'r Awdurdod Trwyddedu am farwolaeth unrhyw anifail ar y safle. e. Rhaid i'r Trwyddedai wneud trefniadau i'r corff gael ei storio mewn milfeddygfa nes bod y perchennog yn dychwelyd. 	<p>Mae cyfeiriadau milfeddygfeydd ar gael gan Goleg Brenhinol y Milfeddygon: http://www.rcvs.org.uk/FindAVet</p>
<p>5.2 Rheoli Clefydau a Brechu</p> <ul style="list-style-type: none"> a. Rhaid cymryd rhagofalon rhesymol i atal a rheoli lledaeniad clefydau heintus a pharasitiaid ymhlith cŵn, y staff ac ymwelwyr. b. Ar gyfer cŵn sy'n cael eu lletya neu gŵn preswyl bydd angen cofnod cyfredol o ddiogelwch a gymeradwywyd gan filfeddyg rhag clefyd y cŵn, peswch cwt, hepatitis, parfofeirws, leptosbirosis a chlefydau perthnasol eraill. c. Rhaid cymryd rhagofalon i atal lledaenu chwain, trogod, parasitiaid y coluddion a pharasitiaid eraill ymhlith cŵn sy'n cael eu lletya a chŵn preswyl; mae'n rhaid i hyn gynnwys trin y llety yn rheolaidd. Rhaid cadw prawf o'r 	<p>Gall rhagofalon digonol gynnwys brechiadau atgyfnerthu blynyddol ac unrhyw fesurau ataliol eraill yn ôl disgrisiwn y trwyddedai.</p> <p>Ym mhob achos, dylid ymgynghori â milfeddyg.</p>

<p>holl driniaeth reolaidd a brys rhag parasitiaid.</p> <p>d. Ar ôl achos o glefyd heintus yn ystod unrhyw arhosiad, rhaid i'r safle fynd drwy gyfnod cwarantîn rhesymol cyn derbyn cathod newydd i'w lletya. Caiff y cyfnod hwn ei bennu gan yr Awdurdod Trwyddedu fel y cytunir arno â'i filfeddyg awdurdodedig.</p>	
<p>5.3 Cyfleusterau Gwahanu</p> <p>a. Rhaid bod cyfleusterau gwahanu ar gael a rhaid iddynt gydymffurfio ag amodau eraill y drwydded ond rhaid iddynt hefyd fod ar wahân yn ffisegol i lety arall i gŵn.</p> <p>b. Rhaid darparu cyfleusterau digonol i atal clefydau heintus rhag ymledu rhwng cŵn sydd wedi cael eu gwahanu a chŵn eraill.</p> <p>c. Rhaid bod mesurau bioddiogelwch effeithiol ar waith a rhaid eu bod yn cael eu deall.</p> <p>d. Rhaid i'r trwyddedai hysbysu'r Awdurdod Trwyddedu ar y diwrnod gwaith nesaf os bydd ci yn datblygu clefyd heintus.</p>	<p>Dylai cyngor milfeddygol ar wahanu cŵn sydd â chlefyd heintus o bosibl gael ei ddogfennu a'i ddilyn ar unwaith.</p> <p>Bydd angen i anifeiliaid sydd wedi'u gwahanu gael eu gwahanu'n effeithiol a bydd disgwyl tystiolaeth o ymwneud milfeddyg.</p>
<p>5.4. Gofynion Amrywiol</p> <p>a. Rhaid i focs cymorth cyntaf â digon o eitemau sy'n addas i'w defnyddio ar gŵn fod ar gael ar y safle a rhaid iddo fod yn hygyrch</p> <p>b. Ni chaniateir lletya cŵn gwryw cyfain a geist sydd yn eu tymor neu eist sydd ar fin bod yn eu tymor gyda'i gilydd.</p>	<p>Cynghorir y trwyddedai i ofyn i berchenogion pryd roedd gast heb ei hysbaddu yn ei thymor ddiwethaf fel y bydd yn ymwybodol os yw'r ast yn debygol o fod yn ei thymor yn ystod yr arhosiad.</p>

<ul style="list-style-type: none"> c. Os bydd ci yn dianc o gartref llety trwyddedig neu'n mynd ar goll, rhaid i drwyddedeion roi gwybod i'r Awdurdod Trwyddedu cyn gynted ag y bo'n ymarferol a heb ormod o oedi. d. Rhaid rhoi manylion llawn am ddyddiad, amser, lleoliad ac amgylchiadau'r digwyddiad, disgrifiad o'r ci, manylion llawn y perchennog, ac unrhyw gamau y mae'r trwyddedai eisoes wedi'u cymryd i ddod o hyd i'r ci i'r awdurdod trwyddedu. e. Rhaid bod perthynas, ffrind neu gymydog o fewn amser teithio o bum munud yn cadw allwedd sbâr a chael mynediad i'r safle os bydd achos brys. Mae'n rhaid i'r manylion hyn fod ar gael i'r Awdurdod Trwyddedu. 	<p>Mae'n rhan fwyaf o awdurdodau yn gweithredu llinell frys "y tu allan i oriau; gellir rhoi gwybod i'r cyfleuster hwn yn y lle cyntaf os na allwch gysylltu â'ch Awdurdod Trwyddedu. Dylid hefyd hysbysu asiantaethau fel yr Heddlu a Gwasanaeth Wardeiniaid Cŵn y Cyngor ar y cyfle cyntaf posibl.</p>
<p>5.5 Cludo Cŵn</p> <ul style="list-style-type: none"> a. Rhaid i drwyddedeion sy'n cynnig gwasanaethau cludo a danfon sicrhau bod y cerbydau a ddefnyddir yn cydymffurfio â'r rheoliadau Lles Anifeiliaid wrth eu Cludo presennol 	<p>Mae'r ddeddfwriaeth yn diffinio'r rheoliadau er mwyn sicrhau 'Lles Anifeiliaid wrth eu Cludo'. Gallwch ofyn i'ch arolygydd trwyddedu am fanylion y rheoliadau presennol. Mae'r enghreifftiau yn cynnwys y canlynol: Cawell/cewyll wedi'i ddiogelu/wedi'u diogelu ac wedi'i awyru/wedi'u hawyru'n addas. Yn ogystal â'r gofyniad i ddal awdurdodiad cludwr.</p>
<p>5.6 Diogelwch rhag Tân</p> <ul style="list-style-type: none"> a. Rhaid bod cynllun tân a gwacáu mewn argyfwng ar waith. b. Rhaid bod dull digonol o seinio rhybudd os bydd tân neu argyfwng arall. c. Rhaid i offer diffodd tân a synwryddion gael eu cynnal a'u cadw a'u lleoli'n briodol. Bydd angen rhoi gwasanaeth i ddiffoddwyr tân neu gael rhai newydd yn ôl yr angen. d. Ni ddylid gosod cyfarpar gwresogi mewn lleoliad nac mewn modd lle y gallant achosi perygl tân, neu risg i gŵn. e. Rhaid cymryd rhagofalon i atal deunydd a all achosi 	<p>Rhaid i'r weithdrefn hon gynnwys cyfarwyddiadau o ran i ble y dylid symud y cŵn.</p> <p>I'ch helpu i gydymffurfio â'r rheoliadau gweler manylion yn Atodlen B a atodir.</p>

<p>perylg tân rhag ymgasglu.</p> <p>f. Dylai deiliad yr eiddo fod yn ymwybodol bob amser o leoliad y cŵn yn yr eiddo.</p> <p>g. Rhaid bod gan y Trwyddedai drefniadau addas ar waith i letya cŵn dros dro os daw'n amhosibl byw yn y safle trwyddedig.</p>	
<p>5.7 Diogelwch Cyfarpar Trydanol</p> <p>a. Rhaid i chi sicrhau bod pob system drydanol yn cael ei hadeiladu a'i chynnal yn ddigonol, er mwyn atal perygl, yn unol â Rheoliadau Trydan yn y Gweithle 1989.</p>	<p>I'ch helpu i gydymffurfio â'r rheoliadau gweler y manylion yn Atodlen C a atodir.</p>

6. Cadw Cofnodion

Rhaid cadw cofnodion yn unol â gofynion y ddeddfwriaeth sy'n nodi'r holl wybodaeth berthnasol am bob ci sy'n cael ei letya, er mwyn bod trwyddedeion yn gwbl ymwybodol o ofynion pob ci unigol.

Amod Trwydded	Canllawiau
6.1 Cofrestr	

<p>a. Rhaid cadw cofrestr o bob ci sy'n cael ei lletya. Mae'n rhaid i'r wybodaeth a gedwir gynnwys y canlynol:</p> <ul style="list-style-type: none"> • dyddiad cyrraedd • enw'r ci, yn ogystal ag unrhyw nodau adnabod eraill megis rhif microsglodyn neu datw. • disgrifiad, brîd, oedran a rhyw'r ci • enw, cyfeiriad a rhif ffôn y perchennog neu'r ceidwad • enw, cyfeiriad a rhif ffôn enw cyswllt tra bydd y gath yn cael ei lletya • enw, cyfeiriad a rhif ffôn milfeddyg y ci • dyddiad gadael arfaethedig a gwirioneddol, gofynion iechyd, lles a maeth • achosion o roi meddyginiaeth a faint o feddyginiaeth a roddir bob tro y caiff ei rhoi <p>b. Rhaid i gofnodion fod ar gael am o leiaf 24 mis a'u cadw yn y fath fodd ag y bydd yn galluogi swyddog awdurdodedig i ddod o hyd i wybodaeth o'r fath yn hawdd.</p> <p>c. Os caiff cofnodion eu cadw ar gyfrifiadur, rhaid cadw copi caled.</p> <p>d. Rhaid i'r gofrestr hefyd fod ar gael bob amser i aelodau o staff y llety cathod.</p>	<p>Dylai'r gofrestr fod mewn fformat sy'n glir ac yn hawdd ei ddeall gan unrhyw aelod o staff a'r arolygydd trwyddedu.</p>
---	--

7. Deddf Lles Anifeiliaid 2006 – Gofynion Dyletswydd Gofal

Mae adran 9 o'r Ddeddf uchod yn gosod dyletswydd gofal ar y sawl sy'n gyfrifol am anifail. Mae'r Ddeddf yn nodi bod person yn cyflawni trosedd os nad yw'n cymryd camau rhesymol i ddiwallu anghenion yr anifail hwnnw. Er mwyn i chi gydymffurfio â'r dyletswyddau hyn, mae'r Cyngor wedi nodi gofynion penodol a chanllawiau y mae'n rhaid i chi eu dilyn.

Pan fo achos posibl o dorri Dyletswydd Gofal o dan Ddeddf Lles Anifeiliaid 2006, gall y Cyngor, yn ôl ei ddisgresiwn, gyhoeddi Hysbysiad Gwella i unioni'r broblem.

Amodau Trwyddedu	Canllawiau
<p>7.1 Meddyginiaeth Reolaidd</p> <ul style="list-style-type: none"> a. Pan fo angen meddyginiaeth neu driniaeth reolaidd/ddyddiol ar gi sy'n cael ei letya rhaid iddi gael ei rhoi gan unigolyn cymwys ac addas. b. Rhaid trafod yn llawn faint o feddyginiaeth i'w rhoi a pha mor aml a chofnodi hynny cyn arhosiad y ci. 	<p>Mae'n arfer da i'r trwyddedai fynnu cael tystiolaeth ysgrifenedig o ran unrhyw ofynion o ran meddyginiaeth er mwyn diogelu iechyd a lles y ci a diogelu ei hun os bydd unrhyw broblemau yn y dyfodol.</p> <p>Tra bydd ci yn cael ei letya, dylid llunio rhestr wirio o'r dyddiad a'r amser y dylid rhoi meddyginiaeth, a ddylai gael ei llofnodi wedyn.</p>
<p>7.2 Cymdeithasoli</p> <ul style="list-style-type: none"> a. Rhaid rhoi cyfle i bob anifail ryngweithio'n ddyddiol a chael ei ysgogi. 	<p>Dylid rhoi cyfleoedd priodol i symud o gwmpas, chwarae a chael mathau eraill o gysylltiad â phobl er mwyn sicrhau bod cŵn yn cael cymaint o gysylltiad ag y byddent yn arfer ei gael gartref.</p>
<p>7.3 Adnabod Cŵn</p> <ul style="list-style-type: none"> a. Rhaid i gŵn wisgo coler a thag adnabod pan fyddant yn cael eu lletya. Rhaid i'r tag ddangos enw, cyfeiriad a rhif ffôn y safle lletya. 	<p>Enghraifft o dag adnabod ci safle fyddai: "Rwy'n aros yng Nghytiau Cŵn Preswyl ACB" a manylion cyswllt.</p> <p>Mae hyn yn arbennig o bwysig pan fydd cŵn yn cael cyfleoedd ymarfer (gyda chaniatâd y perchennog) y tu allan i'r safle trwyddedig Os bydd ci'n mynd ar goll bydd modd dod ag ef yn ôl i'r safle heb oedi.</p>

Argymhelliad

Argymhelliad	Canllawiau
Polisi Yswiriant Argymhellir yn gryf y dylai pob sefydliad lletya drefnu yswiriant cynhwysfawr a digonol.	Dylai'r yswiriant ddarparu ar gyfer pob math o anffawd a all ddigwydd i gi, megis gofal brys gan filfeddyg, colli ci, atebolrwydd trydydd parti ac atebolrwydd cyflogwr lle y bo'n gymwys

MATERION ERAILL SY’N YMWNEUD Â GWEITHREDU LLETY TRWYDDEDIG.

A. GWEITHDREFN APELIO

Deddf Lletya Anifeiliaid 1963 - Adran 1 (4)

Any person aggrieved by the refusal of a local authority to grant such a licence, or by any condition subject to which such a licence is proposed to be granted, may appeal to a magistrates' court; and the court may on such an appeal give such directions with respect to the issue of a licence or, as the case may be, with respect to the conditions subject to which a licence is to be granted as it thinks proper.

B. CANLLAWIAU RHAGOFALON TÂN

Darperir y wybodaeth ganlynol i drwyddedeion, i'w helpu i'w helpu i gydymffurfio â'r gofynion o ran rhagofalon tân a nodir yn amodau trwydded y Cyngor sy'n ei gwneud yn ofynnol i gamau priodol gael eu cymryd i ddiogelu anifeiliaid os bydd tân neu argyfwng arall.

Nod y canllawiau yw sicrhau bod y ffyrdd o ddianc a rhagofalon tân cysylltiedig yn ddigonol ar gyfer deiliaid dynol. Dylid cofio bod gofynion diogelwch tân ar gyfer pobl wedi'u cwmpasu mewn deddfwriaeth arall o bosibl.

Rhaid ystyried y materion canlynol:

1. Mynediad o ran Diffodd Tân a Chyflenwadau Dŵr - Dylai fod mynediad da (o leiaf 3.7m o led) er mwyn i beiriannau tân gyrraedd pob hydrant a ffynonellau eraill o ddŵr a dylid darparu lleiniau caled. Dylai bwrdd enw'r safle gael ei arddangos yn glir wrth ymyl y ffordd fynediad agosaf.
2. Ffyrdd o Ddianc - Dylai'r llwybrau dianc i anifeiliaid gael eu cynllunio fel y bydd modd iddynt redeg allan yn syth o adeiladau, gyda chyn lleied o gymorth â phosibl gan bobl. Dylai drysau corlannau gael eu trefnu fel y gall anifeiliaid gael eu symud o'r adeilad yn gyflym a dylid osgoi troeon llym, rhwystrau a rampiau yn y llwybrau dianc hyd y gellir.
 - a) Dylai allanfeydd pob safle fod yn ddigon llydan ac uchel er mwyn rhoi mynediad hawdd at yr anifeiliaid drwy'r amser.
 - b) Dylai fod modd agor yr allanfeydd yn hawdd o'r tu mewn heb ddefnyddio allwedd.
 - c) Os bydd angen, dylid darparu bod modd cysylltu â deiliad allwedd yn hawdd.Mewn adeiladau sydd dros 18 metr o hyd neu lle mae cryn nifer o anifeiliaid yn cael eu lletya, dylid darparu o leiaf ddwy allanfa a'u lleoli mor bell i ffwrdd oddi wrth ei gilydd â phosibl. Ni ddylai'r pellter teithio fod yn fwy na 45 metr.
3. Arwyddion Dim Smygu - Dylid arddangos hysbysiadau dim smygu wrth ymyl gwair a gwellt a lle y bo'n ymarferol dylid cymryd rhagofalon ymarferol rhag mynediad heb awdurdod, yn enwedig gan blant.
4. Gosodiadau Trydanol - dylai gosodiadau trydanol, gan gynnwys lampau, gael eu glanhau'n rheolaidd er mwyn osgoi gormod o luwch. Dylai cyfarpar trydanol, peiriannau gwresogi ac ati gael eu lleoli a'u clymu'n sownd er mwyn sicrhau eu bod yn bellter diogel oddi wrth unrhyw ddeunydd gorwedd llosgadwy sy'n debygol o gronni.
5. Offer Diffodd Tân
 - a. Diffoddwy'r Tân Cludadwy - Argymhellir y canlynol fel gofyniad sylfaenol:

- Bydd angen o leiaf 2 ddiffoddydd tân 9 litr ar gyfer adeiladau o dan 200 metr sgwâr. Ar gyfer adeiladau dros 200 metr sgwâr rhaid darparu ddiffoddydd tân ychwanegol am bob 200 metr sgwâr ychwanegol neu ran o hynny.
 - Rhaid i ddiffoddwyr tân cludadwy gydymffurfio â gofynion BS EN 3 a chael eu gosod a'u cynnal a'u cadw yn unol â'r argymhellion a roddir yn BS 5306.
 - Yn dibynnu ar ganlyniad eich asesiad risgiau tân, efallai y bydd modd lleihau hyn i un ddiffoddydd mewn safle bach iawn y mae ei arwynebedd llawr yn llai na 90m².
 - **Ni ddylid** defnyddio ddiffoddwyr tân sy'n swnllyd pan gânt eu gweithredu e.e. CO₂, neu gymylau mawr o bowdr sych, wrth ymyl anifeiliaid.
- b. Olwyni Piben Tân - Gellir darparu olwyni piben tân yn lle ddiffoddwyr tân cludadwy. Dylai fod o leiaf un bipen ar gyfer pob 800 metr sgwâr o arwynebedd neu ran o hynny. Dylai gydymffurfio â BS 5306: Rhan 1. Gall pibau golchi fod yn dderbyniol ar yr amod bod llif cyson o ddŵr sy'n gallu cynhyrchu chwistrell o ddŵr o 5 metr i ffwrdd o leiaf. Ni ddylai olwyni piben tân fod yn fwy na 45m o hyd a dylid eu lleoli fel y gall y ffroenell gyrraedd o fewn 6m i bob rhan o'r safle a ddiogelir.
6. Hysbysiadau Tân - Dylai pob aelod o staff yn y llety cathod fod yn gyfarwydd â pha gamau y mae'n rhaid eu cymryd os bydd tân. Dylid darparu hysbysiad ysgrifenedig, clir mewn man amlwg sy'n nodi'r camau i'w cymryd os bydd tân a lleoliad y ffôn agosaf.

Gall yr hysbysiad hwn gynnwys y canlynol:

“Os gwelwch dân, sicrhewch fod yr adeilad dan sylw yn cael ei wagio.

Ffoniwch y Frigâd Dân {mae'r ffôn agosaf yn

Ceisiwch ddiffodd y tân drwy ddefnyddio'r offer diffodd tân a ddarperir, os yw'n ddiogel i chi wneud hynny ac ati”

7. Cyfeirnod Map yr Arolwg Ordnans - Dylid nodi rhif cyfeirnod map yr Arolwg Ordnans ar gyfer y safle a'i arddangos ar yr Hysbysiad Tân a ddarperir.

Mae **Gorchymyn Diwygio Rheoleiddio (Diogelwch Tân) 2005** yn ei gwneud yn ofynnol i roi'r rhagofalon tân angenrheidiol ar waith er mwyn diogelu'r unigolion perthnasol os bydd tân, ac yn ardal pob safle y mae'r ddeddfwriaeth yn gymwys iddo.

Y 'person cyfrifol' sy'n gyfrifol am gydymffurfiaeth â'r gorchymyn. Mewn gweithle, y cyflogwr ac unrhyw berson arall sy'n rheoli unrhyw ran o'r safle, e.e. y deiliad neu'r perchennog, yw'r person cyfrifol. Ym mhob safle arall, y person(au) sy'n rheoli'r safle fydd yn gyfrifol.

Mae'n rhaid i'r person cyfrifol wneud y canlynol:

Cynnal Asesiad Risgiau Tân, y mae'n rhaid cofnodi'r canfyddiadau arwyddocaol sy'n deillio ohono os cyflogir pump neu fwy o bobl, os yw'r safle wedi'i drwyddedu neu os oes hysbysiad addasiadau mewn grym.

Er mwyn eich cynorthwyo ymhellach, mae'r Fire Safety Guide to Animal Premises and Stables (ISBN: 978 1 85112 884 6) ar gael gan y llyfrfa neu drwy wefan yr Adran Cymunedau a Llywodraeth Leol (www.communities.gov.uk).

C. IECHYD A DIOGELWCH

Mae cyfraith iechyd a diogelwch yn gymwys i bob busnes, ni waeth pa mor fach. Fel cyflogwr neu berson hunangyflogedig, chi sy'n gyfrifol am iechyd a diogelwch yn eich busnes. Mae angen i chi gymryd y camau cywir i leihau'r risgiau a berir gan beryglon yn y gweithle a darparu amgylchedd gwaith diogel.

Ceir canllaw "Health and Safety made simple". Mae'r canllaw hwn yn gwneud bywyd yn haws i chi drwy ddarparu'r wybodaeth sylfaenol am yr hyn y mae angen i chi ei wneud mewn un man. Bydd yn eich helpu i ddechrau rheoli iechyd a diogelwch yn eich busnes.

Ar gyfer gweithgareddau gwaith, efallai y bydd angen i chi wneud pethau ychwanegol er mwyn sicrhau eich bod yn cydymffurfio â'r gyfraith. Mae rhagor o ganllawiau ar bynciau penodol, megis rheoli asbestos, atal salwch oherwydd cyswllt ag anifeiliaid ac ati, ac asesiadau risg enghreifftiol ar gael ar-lein yn www.hse.gov.uk. Gallwch hefyd gysylltu â thîm diogelwch Cyngor Sir Penfro drwy ffonio 01437 775179 a gofyn am y swyddog ar ddyletswydd neu drwy anfon e-bost atom yn health&safety@pembrokeshire.gov.uk.

Gellir lawrlwytho'r daflen "Health and Safety made simple" drwy ddilyn y ddolen hon:

<http://www.hse.gov.uk/pubns/indg449.pdf>